

1 San Juan

Mamabuinore coyuiyebu Juan mácu ùi toivacaiye báquede iyoca mamayoca ùi paperayocare. Juan mácu barejaquémavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Ùi mamicu Santiago bácuque moa boaipóescu bácu barejaquémavu, Jesúí órejaquiye jípcare ùi mácu. Lucas bácu coyurejaquemavu Juan mácuí borore Hch 3:1-4:22. Majidivú ne dápiayeye, toivacarejaquemavu diyocare ùi mácu cücü bácu Éfeso ámicuríimari, ne coreóvayeye boje ùi mácu Éfesocavu Jesúre ju aipóevare coreipóescu bácu. Apevu ne dápiayeye, toivacarejaquemavu Partia ámicurijoborócavu bácvure. Póescu cubebi majicu ye ujú ùi toivacaiju bácaróre diyocare, ùbenita obedivú ne dápiayeye ániujua báquede 87-90 d.C. baji, ùi toivaquiye jípcare ùi coyuiyede Jesucristorá aru Jesucristoi jádovaiye báquede ùi mácu.

Bueipóeva borocurivú bácvu “Jesús ámemi Jūmenijicúí mácu” arí, buenidurejaquemavu Juan mácuí toivacaimara mácvure. Que baru ùi mácu toivacarejaquemavu na mácvure, Jesúre ju aipóevare, ne majinajiyeye ayu jáveneca Jesúre Jūmenijicúí mácu, aru ne torojuráiyeye ayu ne ju aiyequé úre, aru ne majinajiyeye ayu caivú úre ju aivure jáveneca meadaimara mácvu aru járavu cūiméjáravu baquinóre cuvavure úque (1:1-4, 2:18-3:3, 4:1-6, 5:1-15). Na mácvure buedejaquemavu diyocaque caiye pueno jauróre ne uede Jūmenijicure aru Jesúre ju aivure máre (2:9-17, 3:11-24, 4:7-21), aru aipe ðaiye jauróre Jesúre ju aipóevare ne ámeina teniburu yóbore (1:5-2:8, 3:4-10, 5:16-21).

Nai Jūmenijicúí dápiainore coyucudayú

(Jn 1.1, 4, 14, 18, 6.68; 1 Jn 2.13-14)

1 ¹Toivacavú mujare Jesucristorá. Ñai cücü bácu caiyede ùi cuedaquiye jípcamia, aru caride máre ùi cubi. Ùvavari apure ðayube póevare apué mamaeque. Majide ðayube apué jávene. Que baru ùi majare Jūmenijicúí dápiainore coyucudayube. Ùi cuede ijárvavú, ñjavavari jápiarejavará ùi coyuiyede aru járejavará úre. Aru úre jáve jári coreóvari jēnejavará ñuja. ²Ñai apure ðayú póevare apué mamaeque cuetedejame ijárvavú. Aru ñuja járejavará úre. Que baru coyuvubu ñuje jári majié boje. Coyuvubu mujare ùi borore, ñai apucure cainuma. Ùi curejaquemavu majepacu Jūmenijicúque cavaró mearoi. Ùbenita darejaquemavu nore jocarí pu ijárvavú, cuetecuyú yui. ³Ùrivubu ñuja muje yóvaráiyeye aivú ñujaque cūinávure cūináturu maje úmei,

majepacu Jūmenijicúque aru mamacu Jesucristoque máre. Que baru ñuja coyuvubu mujare ñuje jáiye báquede úre, aru ùi bueiye báquede máre. ⁴Que baru toivacavú yu mujare iye coyuiyede, maje mearo torojuráiyeye aivú maje úmei.

Jūmenijicú ámeina ðaiyue cubecu

⁵Iye yávaiyede Jesucristo coyurejame ñujare. Aru caride ñuja coyuvubu iye yávaiyede mujare máre. Jūmenijicú miadórope páyube. Que baru meacube ù. Jūmenijicure ñeminijino cubevú. Que baru ámeno cubecube ù. Miadóroque póeva jáivubu aipe árojarore ijárvavure. Nopedeca Jūmenijicú jádovaiyubi póevare ne majinajiyeye ayu ù meacure. ⁶Maja ámenore ðavuvavari, “Majepacu Jūmenijicúque yóvaivubu maja cūinávure cūináturu maje úmei” aivú baru, ðabevuvavari mearore, borocurivubu maja. Ùbenita jáve ñeminoi curivupe ðavubu maja ámenore. ⁷Ùbenita maja ðavú baru

mearore Jūmenijicupe, aru yópe miadároi curivupe baru, jáve maja curājaramu cūinávupe cūináturu maje ūmei. Aru Jūmenijicui mácu Jesús bojedarejame maje yóvayede Jūmenijicuque ūi jiveque, ūi yaicáiyē báquede majare maje ámeina teiye boje. Que baru Jūmenijicu árumeteibi maje ámeina teiyede, Jesúi đacaiye báque boje majare.

⁸Maja aivū baru “Ámeno cubevu majare”, jujovaiuvū maje bajuma. Que aru, maje aiyē jáve ámevū aru Jūmenijicui jáve coyūiye cubevu majare. ⁹Ūbenita maje coyūru Jūmenijicure aipe maje ámeina teiyede, Jūmenijicucapūravū árumeteni jaruvacuyūme diede. Nópe đacuyūme ūi đaiye boje cainumūa yópe “Đacacuyūmu yū mujare”, ūi aiyē báquepe, ūi đaiye boje mearore quéda. ¹⁰“Ámenore đabevū maja” aivū baru, Jūmenijicure borocucupe dápaiuvūbu maja aru jáve ju abevū maja ūi yávaiyede.

Cristo majare me coyūcauy

(Jn 14.15, 21, 23; Ro 6.11-14; 1 Jn 4.10)

2 ¹Muja, jímajinape paivū, toivacaivū mujare diede, muje đabenajiyēpe ayū ámenore. Ūbenita ácu pōescu ámenore đarīburu yóbore, apecu cubi majare coyūrī cadateni coyūcacuyū me majeracu Jūmenijicuque maje borore. Aru ñai majare cadatecuyū, ūrecabe Jesucristo, ñai meacu baju Jūmenijicui jáinore. ²Aru ñai Jesucristovacari yaidéjame majare boje. Ūi yaiye boje, Jūmenijicu árumeteibi maje ámeina teiyede. Que baru maje meateimūme ū majeracu Jūmenijicuque, maja aru caivū ijāravūcavū máre.

³Maja đaiivū baru yópe Jūmenijicui đaicōjeiyēpe buođadvū maja coreóvaivū Jūmenijicure. ⁴Ūbenita ñai pōescu “Yū coreóvaivū Jūmenijicure” ayū baru, đabecūvacari yópe Jūmenijicui đaicōjeiyēpe, borocucube ū. Que teni Jūmenijicui jáve coyūiye cubevū ūre. ⁵Ūbenita ñai đayū yópe Jūmenijicui đaicōjeiyēpe, ūrecabe jáve coreóvayū me

aipe đarī uscū Jūmenijicure. Que teivū maja coreóvaivūbu curivū Jūmenijicuque cūinávupe, cūináturu maje ūmei. ⁶Aru ácu pōescu “Yū yóvaivū Jūmenijicure cūinávupe” ūi aru, ūre cue javūvū yópe Jesucristovacari ūi cue báquepedeca.

Đaicōjeino mamaro

(Jn 13.34, 15.12; Ro 13.12-14; Stg 1.27)

⁷Muja, jívū, ji ūmara, yo đaicōjeino, ji toivacaino mujare caride, đaicōjeino mamaro ámevū. Quénora cūináturūbu no đaicōjeino yo muje ju aino mácarō mamarumure ju aivū Jesúre. Que baru javede muja jápiarejaquemavū yo đaicōjeino javecarōre. ⁸Ūbenita yo ji toivacaino mujare đaicōjeino mamarotamu máre. Aru yo mamaro jávemū. Cristo ūi đaiye jáđovaiivū nore jáve, aru muje đaiye máre. Pōeva ne Jūmenijicui yávaiye méne majibede, ñeminoi curivupe paivūbu. Aru ne majiède diede, miadároi curivupe paivūbu. Que baru Cristo daiyede yópe miadáre đaiyēpe ijāravūi yo ñemino mácarō bíjare nuivū caride. ⁹Ñai pōescu “Cūvū yū miadároi, đayū mearore yópe Jūmenijicui cōjeiyēpe” ayūvacari ūbecu baru ū jicure, ñeminoi cubi ū cāreja. Que baru đabebi ū mearore. ¹⁰Ñai uscū ū jicure cubi ū yópe miadároi cucupe. Que baru đaiibi mearore. Aru ye ámei vainí turí đare đabecube apecure ámenore. ¹¹Ūbenita ñai ūbecu ū jicure cubi ū yópe ñeminoi cucupe. Que baru đaiibi ámenore. Que teni ye coreóvabebi aipe đaiye javrōre ūre. Ūi ámeno đaiye boje, buojabebi dápaiayū coreóvayūpe. Que baru ūi dápaiaino ñeminomu yópe pōescu jári eabecu ñeminoi coreóvabepē ári ūi nuinore.

¹²Muja, jímajinape paivū, yū toivacaivū mujare Cristo ūi yaicáiyē báque boje mujare, bojedacuyū muje ámeina teiyede. Que baru Jūmenijicu árumeteibi muje ámeina teiyede. ¹³Aru muja, jívūcūvape paivū, yū toivacaivū mujare muje coreóvaiye boje ñai cucupe caiyede ūi cuedaquiye jipocamia. Aru muja, vojūvū, yū toivacaivū mujare máre muje vainí tuiye boje ñai abujuvai jabocure.

Aru m̄ja, j́m̄ajinape paiv̄u, yu toivacaiv̄u m̄jare m̄je coreóv̄aiye boje majepacu J́menijicure. ¹⁴Aru m̄ja, j́buc̄vape paiv̄u, yu toivacaiv̄u m̄jare m̄je coreóv̄aiye boje ñai c̄cure caiyede ñi cuedaquiye jipocamia. Aru m̄ja, boj̄v̄u, yu toivacaiv̄u m̄jare máre m̄je c̄vae boje J́menijicui yávaei méne m̄je ūmei, aru m̄je ju aiyē boje diede par̄r̄oque, aru m̄je vainí tuiye boje ñai abjuvai jabocure.

¹⁵Ūbejarā m̄ja iyede, ij̄arav̄ucav̄u J́menijicure ju abev̄u ne uede. Aru ūbejarā yo ij̄arav̄ucarō cūiquinore máre. Ñai ūcu baru ij̄arav̄ure aru ij̄arav̄uquede máre, ñai b̄ojabebi ūcu majepacu J́menijicure. ¹⁶Que baru ina ij̄arav̄ucav̄u ne dápiaino, ne ur̄o, aru ne c̄varō máre J́menijicu jino ānev̄u. Quénora ij̄arav̄ucav̄uacari jinomu no. Aru ñai abjuvai jabocu jinomu no. Ðaiȳuriv̄u yópe ne āmeina Ðaiȳere. Aru c̄vaiȳuriv̄u caiye iye āmene ne jáiyede. Aru, “¿Meara m̄rica caiv̄u arev̄u p̄eno?” arí cuiȳuriv̄u. ¹⁷Ūbenita ij̄arav̄ucav̄u b́jare nuiv̄u ne āmeina Ðaiȳere. Quénora ñai Ðaȳu yópe J́menijicui ūr̄ope c̄vac̄ȳume j̄arav̄u cūiméj̄arav̄u baquinóre.

Jāve aiyē aru boroc̄e
(1 Co 2.10-16)

¹⁸M̄ja, j́m̄ajinape paiv̄u, joabenomu ij̄arav̄u cūiquino. Javede jápiadav̄u m̄ja cūinác̄u dac̄ȳure, ñai Cristoi mauc̄u bac̄ȳare. Aru caride obediv̄u mauc̄variv̄u Cristore. Que baru coreóv̄aiv̄u maja joabenore ij̄arav̄u cūiquinore. ¹⁹Ina Cristore mauc̄variv̄u maje j̄eneboi c̄teima. Ūbenita majev̄u āmema. Que baru etadama na majare jocarí. Majev̄u baru, c̄jebu na majaque. Ūbenita ne etaiye báque boje majare jocarí, majidiv̄u maja majev̄u ānev̄ure.

²⁰M̄jareca Cristo daroibi Esp̄ritu Santore. Que teni ñai Esp̄ritu Santo majide Ðaibi m̄jare yávaeide jāvene aru jāve āmene máre. Que baru caiv̄u majidiv̄utam̄u m̄ja. ²¹Yu toivacabev̄u

m̄jare m̄je majibe boje iye yávaeide jāvene. Quénora yu toivacaiv̄u m̄jare m̄je majié boje diede, aru m̄je majié boje iye boroc̄bede, iye jāve coȳuiye.

²²Ácu p̄oc̄cu “Jesús J́menijicui mácu Cristo āmemei” ayu baru, ūrecabe boroc̄cu. Ñai nópe ayu mauc̄vaibi Cristore. Que teni ju abebi J́menijicure aru Cristore máre. ²³Ácu p̄oc̄cu “Jesús J́menijicui mácu Cristo āmemei” ayu baru, yóvabec̄be majepacu J́menijicure. Ūbenita ñai “Jesús J́menijicui mácu Cristobe” ayu baru, ūrecabe yóvaȳu majepacu J́menijicure máre.

²⁴Que baru ār̄ujara iye J́menijicui yávaei méne m̄je jápaiye báquede m̄je ju aiyē báquede Jesúre mamarum̄re. Me dápiarā iye yávaeide jāvene m̄je ūmei. M̄ja me dápiav̄u baru iye m̄je jápaiye báquede, m̄jacap̄rav̄u yóvar̄ajaramu J́menijicui mácu Jesucristore, aru J́menijicure máre cūináv̄upe, cūináturu m̄je ūmei. ²⁵Aru yorecabu Jesús “Yu c̄vare Ðac̄ȳumu m̄jare j̄arav̄u cūiméj̄arav̄u baquinóre”, ñi aino mácarō.

²⁶Yu toivacaiv̄u m̄jare m̄je majinajiyēpe ayu arev̄u ne borore, ina m̄jare juovaiȳuriv̄ure. ²⁷Ūbenita m̄jacap̄rav̄u javede jacor̄quemav̄u ñai Esp̄ritu Santore, c̄cure m̄jaque, Jesucristo ñi daroim̄u mácure m̄jare. Aru ñai Esp̄ritu Santo bueibi m̄jare caiyede. Aru ñi bueiye m̄jare jāvetamu. Boroc̄betamu die. Que baru apec̄u jaubebi m̄jare majicac̄ȳu iye yávaeide jāvene. Que baru yóvajarā m̄ja Jesucristore cūináv̄upe cain̄m̄a, cūináturu m̄je ūmei.

²⁸Aru m̄ja, j́m̄ajinape paiv̄u, quédata yóvajarā m̄ja Jesucristore cūináv̄upe, cūináturu m̄je ūmei caride aru p̄u ñi copaidaquij̄arav̄uita, maja númuri aiv̄u ñi jipocai j̄ubev̄v̄a aru c̄yojarō máre c̄beda. ²⁹Coreóv̄aiv̄u m̄ja Jesucristore meacu bajure J́menijicui jáinore. Que baru coreóv̄aiye jāv̄u m̄jare iyede máre: Caiv̄u Ðaiv̄u mearore, nárecabu J́menijicui mára.

Jūmenijicui mára

(Jn 1.12, 29; He 2.14-15)

3 ¹“Jímaratamu mŷja”, aibi majepacu Jūmenijicu majare. Que baru coreóvaivubu maja aipe Jūmenijicu urarō ucure majare. Aru jāve ūi mǎratamu maja. Ūbenita apevu pōeva ijārvacavu coreóvabema majare. Jūmenijicure aru Jesucristore máre coreóvabema na. Que baru majare máre coreóvabema na.

²Mŷja, jívu, ji ūmara, caride Jūmenijicui mǎratamu maja. Ūbenita coreóvabevu maja cǎreja aipe ārojarajivu bǎrǎjivure yóbore. Quédata coreóvaivubu maja Jesucristoi daquiyede ūpe tenajivu, maje jári majinajije boje ūre aipe ārojacure.

³Aru caivu maja napini coreívubu Jūmenijicui oatvaquiyede majare maje Cristope barǎjijyéde, ċare numemuri āmeina teiyede. Quéhora mearore ċaiyurivubu yópe Cristovacari mearore ċaiyepe cainumua, ūi me boje.

⁴Caivu ina āmeina teivu ju abema Jūmenijicui ċaicōjeiye báquede. Que teni maucvadamama Jūmenijicure. Que baru āmeina teiye cūináturubu ju abepedeca Jūmenijicui ċaicōjeiye báquede. ⁵Jesucristo cūetedejame ijārvai jaruvacŷu āmeina teiyede. Aru ūcapūravu meacu bajube. Que baru ye āmeina teiye cubevu ūre.

Javede coreóvaivubu mŷja diede. ⁶Que baru caivu maja yóvaivu Jesucristore cūinávpe, cūináturu maje ūmei, āmeina tévabevu. Ūbenita caivu ina āmeina tévaivu ye jápiarí eabema Jesucristore aru coreóvabema ūre.

⁷Mŷja, jímajinape paivu, jápiabejará ina juvojaiyurivure mŷjare. Ūai ċayu mearore cainumua ċaibi mearore yópe Jesucristovacari ūi ċaiyepe mearore cainumua. ⁸Ūbenita ŷai ċayu āmeina teiyede, ŷai abujuvai jabocu jicube. Mamarumure ŷai abujuvai jabocu maucvarejaquemavu Jūmenijicure. Que teni mamarumure aru pu caride máre, cainumua āmeina teiyede ċaibi ū. Que barureca darejame Jūmenijicui mácu, jaruvacŷu ŷai abujuvai jabocui

ċaiyede. ⁹Caivu maja Jūmenijicui mára Jūmenijicui apure ċaiyede mamaene cuvavu maja. Que baru cūinácu cubebi Jūmenijicui mǎracacu cōmajije ċayu āmeina teiyede cainumua. Aru āmeina tévayu buojabebi ū. ¹⁰Ácu pōecu mearore ċaiyubecu baru, Jūmenijicu jicu āmemi ū. Aru ácu pōecu ū jicure máre ubecu baru, Jūmenijicu jicu āmemi ū. Que baru coreóvaivubu maja ŷamene Jūmenijicui mǎrare aru ŷamene abujuvai jabocui mǎrare máre.

Ūrǎjarevu maja majevure

(Jn 5.24, 13.34, 15.12-13)

¹¹Jápiavubu mŷja iye yávaiyede mŷje ju aiye báquede Jesúre mamarumure aru caride máre. Ūe javvu majare majevure. ¹²ċaiye javbevū majare yópe Caín mácu ūi ċaiye báquepe. Ū mácu ŷai abujuvai jabocu jicu barejaquemavu, aru boarí jaruvarejaquemavu ímacu bǎcure. ċAipe teni boarí jaruvarejaquemari ū mácure? Caín mácu ċare nurejaquemavu āmenore Jūmenijicui jáinore. Ūbenita ímacu bǎcu ċare nurejaquemavu mearore Jūmenijicui jáinore. Que baru Caín mácu boarí jaruvarejaquemavu ímacu bǎcure ūi baju jorojínina.

¹³Mŷja, jívu, cūcumamejara mŷja ina ijārvacavure Jūmenijicure ubevu ne ubede mŷjare máre.

¹⁴Jipocamia maja yaivu bǎcavupe paivvacari, apurivupe barejávū. Ūbenita caride apué mamaene cuvavivubu maja. Aru coreóvaivubu maja apurivure jāve caride, maje ūe boje majevure. Ūbenita ŷai ubecu ū jivure apucvacari caride, jāve yaivyú bǎcure páyube ū. ¹⁵Ácu pōecu ubecu ū jicure, boaipōecure páyube ū. Aru coreóvaivubu mŷja boaipōecu cubecure apué mamaeque. Que baru cuvabecube ū jǎravu cūiméjǎravu baquinóre.

¹⁶Jesucristo jáđovarejame majare aipe ċarí maje urǎjínore majecure, yaicáyu majare boje. Quédecá ċaiye javvu majare máre, jívu maje bajure yaicáivu majevure boje. ¹⁷Ácu pōecu cūve cuvacu baru aru jáŷu maru ū jicure cūve cuvabecure ūre javéde, ūbenita yéde

jíbecu ñai cõmaje ãrojacure cadatebebi úre. Jáve “Yũ uvu Jũmenijicure ji úmeque”, arí buojabebi ũ. Quénora ñai cõmaje ãroje jámecu ubebi Jũmenijicure jáve. ¹⁸Muja, jímajinape paivu, quéda “Úvu yu jícare” abenajarevu. Quénora jádovarajarevu urivu majevure maje ðaiyeque. Que baru cadatenajarevu náre.

Jidubevva Jũmenijicui jáinore
(Jn 13.34, 15.12, 17)

¹⁹Maja urivu baru majevure jáve, coreóvaivubu maja ðaivure yópe Jũmenijicui yávaiye jávepe. Que teni cãrijimevva maje úmei jidubevu maja Jũmenijicui jáinore. ²⁰Úbenita maja jidurivu baru maje dápiaye bojedabevu yópe Jũmenijicui yávaiye jávepe, cãrijiyi jaubevũ majare. Que baru maja ñájine ðabenajaramu maje bajure maje dápiaye boje. Quénora Jũmenijicu ñájine ðacuyume majare ũi majié boje caiyede. ²¹Muja, jívu, ji umara, maja jidubevu baru maje dápiayeque, ména curivubu maja Jũmenijicui jáinore, jëniarajivu úre maje uede. ²²Aru Jũmenijicu ðacacuyume majare caiyede yópe maje jëniayepe úre, maje ju aye boje ũi ðaicõjeiye báquede aru maje ðaiye boje yópe ũi urõpe. ²³Jũmenijicu ðaicõjeimi majare, maje ju arãjiyepa ayũ mamacu Jesucristore, aru maje urãjiyepa ayũ majevure, yópe Jesúi ðaicõjeiyepe. ²⁴Caivu maja ju aivu Jũmenijicui ðaicõjeiye báquede yóvaivubu Jũmenijicure cüinávupe, cüináture maje úmei. Coreóvaivubu maja Jũmenijicui cuede majaque, maje cuvae boje ñai Espiritu Santore, Jũmenijicui daroimu mácure majare.

Jũmenijicui Espiritu Santo aru ñai Cristore maucuvacu
(Mt 7.15; Jn 8.47, 15.19; 2 Jn 7)

4 ¹Muja, jívu, ji umara, ju abejarã muja caivu ina “Jũmenijicui Espiritu coyucõjeimi yure” aivure. Úbenita cainumua cüinácu põecu “Que aibi Jũmenijicu” ũi arí coyuru, jári coreóvarã muja ũi coyuyede, majinajivu jáve Jũmenijicui Espiritu

dápiacõjeñure úre. Que ðajarã muja, obedivu Jũmenijicui yávaiyede coyucõpõevape teniduvu ne ðaiye boje. Coyure cuivubu “Jũmenijicui yávaiyede coyucõpõecubu yũ” aríduivu. Úbenita borocurivubu na. ²Coyucõjivũ mujare aipe ðarí coreóvarí buojarãjivure cüinácu põecu dápiayure yópe Jũmenijicui Espiritu ũi cõjeiyepe. Caivu ina aivu “Jesucristo, Jũmenijicui mácu, jáve daibi põecupe ijãravui”, dápiavubu na yópe Jũmenijicui Espiritu ũi dápiacõjeiyepe. ³Úbenita ñai jáve dápiabecu yópe Jũmenijicui Espiritu ũi dápiacõjeiyepe, dápiaibi yópe Cristoi maucu ũi dápiayepa. Javede jápiadavũ muja ñai Cristoi maucu dacuyure. Aru caride curivubu ijãravui ina Jũmenijicui yávaiyede coyucõpõevape teniduvu, úbenita borocurí. Yópe Cristoi maucu ũi dápiayepa dápiavubu. Que baru borocueque coyuvubu na.

⁴Muja, jímajinape paivu, mujacuruvu Jũmenijicu jinatamu. Que baru Jũmenijicui Espiritu Santo dápiacõjeimi mujare. Ijãravucavu Jesúre ju abevũ ñai abujuvai jabocu jinatamu. Aru ñai abujuvai jabocu dápiacõjeimi náre. Úbenita parucube ñai dápiacõjeñu mujare, ñai náre dápiacõjeñu pueno. Que baru muja vainí tuivubu ina Jũmenijicui yávaiyede coyucõpõevape teniduvu borocurivure. ⁵Nãcapuravu ijãravucavu Jesúre ju abevũ névutamu. Que baru cainumua coyuvubu na ijãravuquede. Aru ina jápiaivu náre máre ijãravucavu Jesúre ju abevutamu na. ⁶Úbenita majacuruvu Jũmenijicu jinatamu. Ñai coreóvayũ Jũmenijicure torojucu jápiaibi maje bueiyede. Úbenita ñai coreóvabecu Jũmenijicure jápiabebi maje bueiyede. Que ðarí coreóvaivubu maja ñamene coyuyure yávaiyede jávene aru ñamene yávaiye borocuede.

Jũmenijicu ubi põevare
(Mt 5.44-45; Mr 12.29-31; Jn 1.18, 3.16-17; Ro 8.9; 1 Jn 3.24)

⁷Muja, jívu, ji umara, Jũmenijicu ure ðaibi majare majevure. Que baru ue

jaunu majare majevure. Caivu urivu arevure Jūmenijicui maramu maja. Aru coreóvaivubu maja Jūmenijicure máre. ⁸Jūmenijicu ubi caivu pōevare. Que baru ñai ubecu ũ jivure, Jūmenijicure coreóvabebi ũ. ⁹Jūmenijicu jáđovarejaquemavu ũi urōre majare daroyu bácu mamacure cūinácura yui ijāravui, maje cūvarājiyepe ayu jāravu cūiméjāravu baquinóre, mamacui yaiye báque boje majare. ¹⁰Maja buojari urivubu Jūmenijicure quíjinora. Ūbenita Jūmenijicu buojari ubi majare pñeno urarō baju. Yópebu Jūmenijicui ue jāve: Jūmenijicu darorejaquemavu mamacure ijāravui, jícuy ũre ũi yaicáquiyepe ayu majare boje, Jūmenijicui ārumetequiyepe ayu maje āmeina teiyede.

¹¹Maja, jívu, jí ũmara, nópe urarō baju ubi Jūmenijicu majare. Que baru nopedeca ue jaunu majare máre maje baju. ¹²Ácu pōecu Jūmenijicure jáñu mácu cubebi ũ. Ūbenita maje uru majevure, Jūmenijicu yóvaibi majare cūinávure, cūináturu maje ũmei. Que teni coreóvaivubu me aipe đarí buojari urivu Jūmenijicure jāve. ¹³Jūmenijicu darorejaquemavu ñai Espiritu Santore, ũi cuquiyepe ayu majaque, maje majinajiyeye ayu jāve Jūmenijicui yóvaiyede majare aru maje cūvaede ũre máre cūinávure, cūináturu maje ũmei. ¹⁴Aru ñu javacari járejcarā Jūmenijicui mácure. Que baru coyivubu majepacu Jūmenijicui daroie báquede mamacure ijāravui. Pōevare coyivubu majepacu daroie báquede mamacure, ũi meadaquiyepe ayu ijāravucavure abujuvai jabocui paruéde jaruvari. ¹⁵Ácu pōecu “Jesucristo Jūmenijicui mácube” ayu, ũ jāve yóvaibi Jūmenijicure aru Jūmenijicu máre yóvaibi ũre cūinávure, cūináturu ne ũmei.

¹⁶Que baru maja coreóvaivubu Jūmenijicu ucure majare. Aru ju aivubu maja diede jāve. Jūmenijicu ubi caivu pōevare. Ñai ucu Jūmenijicure aru arevure máre cainmua, ũrecabe yóvaYu Jūmenijicure aru Jūmenijicu

máre yóvaibi ũre cūinávure, cūináturu ne ũmei. ¹⁷Coreóvaie jaunu majare aipe đarí maje urōre Jūmenijicure jāve, jidubenajivu ũi ñájiovaquijāravu baquinóre āmeina teivure. Jesucristoi pacu Jūmenijicube. Aru maja máre, ijāravu cūrivui pacube ũ. ¹⁸Ñai ucu Jūmenijicure jāve jidubecube ũre ũi ñájiovaquijāravu baquinóre. Ū majibi Jūmenijicu ñájine đabecuyure náre, ina urivure ũre jāve, ne āmeina teie boje. Que baru jidubecube ũ. Ūbenita ácu pōecu jiducu baru, buojabebi ucu Jūmenijicure jāve cāreja.

¹⁹Jūmenijicucapūravu urejaquemavu majare mamarumure. Que baru maja máre uvu Jūmenijicure caride. ²⁰Ñai “Jūmenijicure uvu yu” ayu baru, aru que ayuvacari ubecu baru ũ jicure, ñai pōecu borocubi ũ. Ñai ubecu baru ũ jicure, ũi jáimure, jāve buojabebi ucu Jūmenijicure, ũi jámemure. ²¹Que baru đaicōjeimaramu maja. Ñai ucu Jūmenijicure, ujacurí ũ jicure máre.

Maje vainí tuino ijāravucarō āmenore
(Mt 11.30; Jn 14.15; 2 Jn 6)

5 ¹Caivu “Jesúrecabe Jūmenijicui mácu Cristo” aivu, Jūmenijicui maramu maja. Cūinácu ucu baru apecui pacure, mamacure máre ubi ũ. ²Que baru maja urivu baru Jūmenijicure aru đaivu baru yópe ũi đaicōjeie báquepe, coreóvaivubu urivu Jūmenijicui mārare máre. ³Ñai ucu Jūmenijicure đayube caiyede yópe ũi đaicōjeie báquepe. Aru caiye iye Jūmenijicui đaicōjeie báque maiyójabevu ñai pōecure ũi đaiyede. ⁴Caivu ina Jūmenijicui mára vainí tuivubu caino no ijāravucarō āmenore. Jesucristo javede vainí turejaquemavu ijāravucarō āmenore. Que baru maje ju aie boje ũre maja máre vainí tuivubu nore. ⁵Ñai ju ayu Jesucristore, Jūmenijicui mácure, ũrecabe vainí tuyu ijāravucarō āmenore.

Jūmenijicui mácurā jāve coyuno
(Jn 3.36, 5.32-37, 8.18)

⁶Ñai Jesucristorecabe dayu bácu ijāravui. ũrecabe jáđovaimu mácu

Jūmenijicui mácu ocoque, Juan Bautista bácu ũi jáđovaiye báquede úre Jūmenijicūque ocoque. Ūbenita quéda ocoque jáđovaimū mácu Jūmenijicūque āmeme ũ. Quénora úrecabe jáđovaimū mácu Jūmenijicui mácu jiveque máre, ũi yaiye báquede jocusjaravena aru ũi nacajaiye báquede yainore jaruvarí. Nāi Espírítu Santovacari cainumua borocubecu ju aibi diede jāve. ⁷⁻⁸Maja coreóvaivubu Jesucristore Jūmenijicui mácure jāve bajure yóbecue jáđovaiye cue boje. Mamarumure nāi Espírítu Santo coreóvare đayube diede. Aru maja coreóvaivubu diede Jesús ũi jáđovaiye báque boje Jūmenijicūque ocoque. Aru coreóvaivubu diede máre, Jesús ũi jive meiyé báque boje ũi yaiyede. Caiye iyeque coreóvaivubu maja Jesucristore Jūmenijicui mácure jāve bajure. ⁹Pōeva “Jāvemū no” ne aiyede, maja ju aivubu náre. Ūbenita apenumua pōeva borocuma na. Ūbenita Jūmenijicucapūravu borocubecube cainumua. Que baru pūeno baju jāvu majare maje ju aiyé úre. Aru Jūmenijicuvacari “nāi jímacu”, arí coyūibi Jesucristorā. ¹⁰Nāi ju ayu Jūmenijicui mácu Jesúre, majibi ũi ũmei Jūmenijicui coyūiye báquede jāvene. Ūbenita nāi ju abecu Jūmenijicui mácu Jesúre, yópe borocucupe dápiaibi Jūmenijicure, ũi ju abe boje Jūmenijicui coyūiye báquede mamacurā. ¹¹Iye Jūmenijicui coyūiye báquebu ũi cūvare đaiye majare jāravu cūiméjāravu baquinóre. Aru Jūmenijicu cūvare đaibi majare diede maje ju aiyede mamacure. ¹²Nāi yóvayu Jūmenijicui mácure cūvabi jāravu cūiméjāravu baquinóre úque máre. Ūbenita nāi yóvabecu Jūmenijicui mácure cūvabebi jāravu cūiméjāravu baquinóre úque.

Toivarí buojarí majicaino

(Mt 7.7-11; Lc 11.9-13; Jn 15.7, 16, 16.23-24, 17.3, 20.31; 1 Jn 3.21-22)

¹³Caiye iyede yu toivacaiyu mujare, Jūmenijicui mácure ju aivure, mūje

majinaiyere ayu cūvarivure jāravu cūiméjāravu baquinóre úque.

¹⁴Coreóvaivubu maja maje jēniayede Jūmenijicūque yópe ũi ũrōpe járiayure majare. Que baru jēniavubu úre jidubevuva. ¹⁵Aru yópe maje majiépedeca járiayure maje jēniayede, quédeca majivu maja maje jēniayede Jūmenijicūque jacorūivure diede.

¹⁶Cūinácu pōecu jāñu maru ũ jicure āmeina teyure aru majicu baru Jūmenijicu ārumeteni buojayure no āmeina đainore, jēniacaiye jāvu nāi pōecure ũ jicure boje, ũi cūvaquiyere ayu jāravu cūiméjāravu baquinóre. Aru Jūmenijicu ārumeteni majicu baru, cūvare đacūyume úre jāravu cūiméjāravu baquinóre úque. Ūbenita cūinácu pōecu āmeina đayu baru Jūmenijicui ārumeteni buojabede, nāi pōecu nājicūyume, coateyu Jūmenijicure jaruvarí. Yu coyūbevu mujare mūje jēniacaiyede Jūmenijicūque nāine. ¹⁷Caiye pōeva ne āmeina đaiye, diedecabu āmeina teiye. Ūbenita ape āmeina teiye coatede đabevu pōevare Jūmenijicure jaruvarí. Quénora Jūmenijicu ārumeteibi diede.

¹⁸Majidivubu maja caiyu ina Jūmenijicui mārare đare numevure āmeina teiyede caride. Jūmenijicui mácu coreibi náre, abujuvai jacobu ũi ĩmequiyere ayu náre. Que baru āmeina đare numema na. ¹⁹Coreóvaivubu maja Jūmenijicui mārare. Ūbenita caiyu apēvu ijāravacavu cūma abujuvai jacobu đaicōjeimara. ²⁰Aru majidivubu maja Jūmenijicui mácure đayu bācure ijāravui, ũi coreóvare đaquiyere aivu majare nāi Jūmenijicure jāve. Maja curivubu úque, Jūmenijicu jāveque. Aru curivubu maja Jūmenijicui mácu Jesucristoque máre. Jesucristo Jūmenijicutame. Aru cūvare đaibi majare jāravu cūiméjāravu baquinóre úque. ²¹Mūja, jímajinape paivu, jíbejarā mūja mearore pēpeimarare. Quénoramū.